

太上玉清無極總真文昌大洞仙經全卷

謝冠生敬題



文昌大洞仙經全卷

全卷





中華民國五十七年歲次戊申  
仲春三月台灣了閒分壇恭印

文昌大洞仙經全卷

目錄

卷上

原序

誦經儀軌

起經讚

十神咒

元始天王聖誥

文昌帝君聖誥

婁大真人聖誥  
馬大天君聖誥  
開經偈  
序經章第一  
序事章第二  
序理章第三  
序源章第四  
詳源章第五  
入門章第六

卷中

求道章第七

守道章第八

西池仙翁贊

序經章第九

保元章第十

明玄章第十一

通微首章第十二

通微二章第十三

卷下

通微三章第十四

度厄章第十五

明洞章第十六

上相大師贊

序經章第十七

通明章第十八

還元章第十九

化幽首章第二十

化幽二章第二十一  
化幽三章第二十二  
化幽四章第二十三  
結經章第二十四  
孚佑帝君贊  
完經讚  
回向咒  
玄契  
大洞經總義

養恬山人識

斗姥心咒

呂祖參同經節錄

大洞仙經原序

大凡事之有其究竟者。必有其原來。如洞經一書。人但知爲吾學道之書。而不知乃吾敍京述之書也。人但知三十六章之是守。而不知三十六章之訛複也。吾久欲定正。惜未得人。既有其人。始似勤恒。繼謂虛渺。或半途而廢者有之。或已成而疑訾者有之。嗚呼人多若此。吾何望焉。是以急欲

定正。而終無由矣。即如本朝大吾  
道之化者。惟長洲彭氏即彭定求  
發其源。且始終之。勤勤弗懈。不可  
不謂爲誠篤者也。雍正五年冬。有符  
圖司教金本存疏呈洞經原由。乃稱久  
欽玄範。刻志修持。深苦傳本互異。  
實難遵守。懇恩勅仙定正詳註。以便  
刊傳。以廣大化。閱之適契吾心。且  
喜本存之勤恒也。因勅某仙與某人爲

師。令其註明傳世。不期某生視爲可有可無。經年於茲。功無十一。其中雖有頗可取之人。請師解註。而諸仙亦止依諸傳本。爲之訓詁。凡章句之訛複。與夫洞經之原來究竟。卒未之言也。吾苟不親爲詳本末，定章次。正字句。則本存之捧誦刊刻。不惟徒費心力。而且以訛傳訛。貽誤來茲。將莫知其底止矣。然吾欲親正。究難

得人。幸天道不終剝。剝極而復。人心無悉困困中有亨。本存而外。復有華如琪其人者。矢志投誠。皈依吾化。吾見其年雖少。其信頗專。爰命代吾傳筆。定正字句之重誤。序解章目之始末。自序經以至結經。共二十四章。皆述吾成己之始。成物之終者。今一一爲之揭示。如每章皆有元始天王曰之句。以人看之。似旣吾師

所授之仙經。而不知乃吾得道之後。  
復蒙吾師授以蒼胡頡寶珠。其珠光  
煥爲彩雲。結成此經。皆敍吾入門。  
求道。保元。以至成道。度厄。化幽  
。悉由吾師授以玉經。而得以造夫  
太玄也。其必冠以此五字者。又吾於  
珠光所結經文之上加之。以誌不忘本  
之意。至吾師所授之玉經。自吾得  
道後。吾師復祕於大洞矣。其傳世

者。既此經也。夫此經自太玄受後。歷虞夏商周。暨漢唐宋。而迄於今。屢經興廢。其得不迹熄而存者。諒多記傳鈔授。故錯訛互異。以至於今。吾今因本存之誠懇。華生之信篤。故不厭煩囂。親降校正。俾本存奉此刊傳。以爲定本。庶後之修習者。得其源矣。時雍正六年戊申五日。文昌帝君序於蜀渝永濟壇。

誦經儀軌

持誦是經。宜在靜夜清晨氣爽神清  
之候。先盥漱畢。然後嚴整衣冠。  
詣香案前。拈香拱立。凝神定息。  
注想

聖容。威儀如在。起恭敬心。將香高  
舉。虔進於爐。隨即長叩齒演音。  
誦起經讚。及十咒。各一遍。次即  
長跪禮誥。默祝所祈訖。東向端坐

。誦經遍數。以七遞加。或一七遍。  
。或二七遍。或三七遍。或七七遍。  
俱可。遍數既完。連誦回向讚咒各  
一遍。作禮而退。至於去遊思雜念  
之道。則在乎展卷之初。即自想曰  
。吾誦是經。本爲  
帝君宣揚經教。啓悟明幽。當有護  
法神王。鑒觀在上。聞經鬼衆拱聽於  
旁。吾何可不盡虔誠。有訛字句致

觸鬼神怒目。反召咎殃。如是敬畏。  
。則雜念遊思。不待去而自去矣。  
不然。雖擊破木魚。徒作陰陽笑柄。亦何  
益哉。

大洞仙經本斗口魁神奉

帝君命詮註。名曰洞經示讀。茲復蒙  
婁大真人降壇註釋。功同不朽。故誦  
經者。敬禮

元始

文昌二道聖誥後。亦當敬禮

婁大真人。及

斗口魁神聖誥。以答宏恩。

起經讚

祥雲初起。法界氤氳。羅天海嶽異

香騰。到處覆慈雲。達信通誠。萬

聖盡遙臨。達信通誠。萬聖盡遙臨

。大聖香雲浮蓋大天尊三舉

淨心神咒

太上台星。應變無停。驅邪伏魅。

保命護身。智慧明淨。心神安寧。

三魂永久。魄無喪傾。急急如律令

淨口神咒

丹朱口神。吐穢除氛。舌神正倫。

通命養神。羅千齒神。卻邪衛真。  
喉神虎賁。伸氣引津。心神丹元。  
令我通真。思神鍊液。道炁長存。  
急急如律令。

淨身神咒

靈寶天尊。安慰身形。弟子魂魄。  
五臟玄冥。青龍白虎。隊仗紛紜。  
朱雀玄武。侍衛我真。急急如律令。

安土地神咒

元始安鎮。普告萬靈。嶽瀆真官。

土地祇靈。左社右稷。不得妄驚。

回向正道。內外肅清。各安方位。

備守家庭。太上有命。搜捕邪精。

護法神王。保衛誦經。皈依大道。

元亨利貞。急急如律令。

淨天地神咒

天地自然。穢氣分散。洞中玄虛。

晃朗太元。八方威神。使我自然。  
靈寶符命。普告九天。乾羅怛那。  
洞罡太玄。斬妖縛邪。殺鬼萬千。  
中山神咒。元始玉文。持誦一遍。  
卻病延年。按行五嶽。八海知聞。  
魔王束首。侍衛我軒。凶穢消散。  
道炁常存。急急如太上老君律令  
勅。

金光神咒

天地玄宗。萬炁本根。廣修億劫。  
證吾神通。三界內外。惟道獨尊。  
體有金光。覆映吾身。視之不見。  
聽之不聞。包羅天地。養育群生。  
受持萬遍。身有光明。三界侍衛。  
五帝司迎。萬神朝禮。役使雷霆。  
雷神隱名。洞慧交徹。五氣騰騰。  
金光速現。覆護真形。急急如  
皇大帝律令勅。

祝香咒

道由心學。心假香傳。香熱玉爐。  
心存帝前。真靈下盼。仙旆臨軒。  
弟子關告。逕達九天。

五星神咒

五星烈照。煥明五方。水星卻災。  
木德致昌。熒惑消禍。太白辟兵。  
鎮星四據。家國利亨。名刊玉簡。  
字錄帝房。乘飈散影。飛騰太空。

攝魔咒

出入冥無。遊宴十方。五雲浮蓋。  
招神攝風。役使萬靈。上衛仙翁。  
乾坤一炁。育我者七。丹元寂養。  
妙在勤息。善觀太和。洞察出入。  
化賊爲良。刺邪如戟。鑒耀金庭。  
常杜五逆。運閉旁關。灑掃淨室。  
塵起於土。土安神逸。烟生於火。  
火降氛滅。金空有聲。聲不亂擊。

木堅則榮。○ 守榮則實。○ 水澄則清。○  
貴清不溢。○ 五政既持。○ 利往終吉。○  
二儀在尸。○ 循環赫奕。○ 處暗愈光。○  
交曲使直。○ 網紀吾身。○ 晨昏怛惕。○  
迴度靈田。○ 精華羅畢。○ 頃刻敷威。○  
羣魔自息。○ 皎皎無窮。○ 用之不竭。○  
無強無昧。○ 無妄無弱。○ 以大光明。○  
圓通莫測。○ 能斬飛神。○ 能絕六疫。○  
以玉爲章。○ 玉無瑕跡。○ 以金爲章。○

玄蘊咒  
金焚不洩。長誦吾章。逍遙太極。

雲篆太虛。浩劫之初。乍遐乍邇。  
或沉或浮。五方徘徊。一丈之餘。  
天真皇人。按筆乃書。以演洞章。  
次書靈符。元始降下。真文誕敷。  
昭昭其有。冥冥其無。沉痾能自痊。  
塵勞溺可扶。幽冥將有賴。由是  
昇仙都。

大慈大悲愍衆生。  
大喜大捨濟含識。  
相好光明以自嚴。  
弟子至心皈命禮。

元始天王聖誥

志心皈命禮

玉清聖境。清微天宮。鬱羅蕭臺之中。  
。森羅淨泓之上。現有爲之梵相。具  
無極之神通。敷演真玄。破無有色空  
之礙。拯提趣類。絕智愚高下之分。  
妙用難窺。靈機莫測。大悲大願。大  
聖大慈。無量度人。元始天尊。  
文昌帝君聖誥

志心皈命禮

不驕帝境。玉真慶宮。現九十八化之  
行藏。顯億千萬種之神異。飛鸞開化  
於在在。如意救劫於生生。至孝至仁  
。功存乎儒釋道教。不驕不樂。職盡  
乎天地水官。功德難量。威神莫測。  
大悲大願。大聖大慈。九天輔元開化  
主宰。司祿職貢舉真君七曲靈應。保  
德宏仁大帝。談經演教。消劫行化。

更生永命天尊。

婁大真人聖誥

志心皈命禮

芝城就義。榴洞通真。顯億萬之神通

。切十方之普照。掌握風雲雷電。萬

象難逃。心含天地日月星。一靈不昧

。能剛能勇。濟死濟生。至永至淡。

無競無驕。大悲大願。大聖大慈。慈

惠帝君。紫霞內相。雷音化溥慈元崇

惠妙濟弼教大天尊。

斗口魁神馬天君聖誥

志心皈命禮

斗口魁神。璇樞上將。三頭磊落。應

三台照曜之形。九目輝華。印九斗光

華之象。秉西靈之金氣。足踏白蛇。

戴南極之威靈。背飛丹鳥。寄化冲天

風火院。專司北極號天罡。寶劍珠玲

。揮霍妖魔皆絕滅。帝鍾法印。行持

神鬼悉皈依。隨梓潼而主文衡。輔紫  
微而司祿命。大悲大願。大聖大威。  
高上神霄。玉清真皇。混天主法元帥  
。玉府司命真君。光明華藏。寂道真  
皇。南極火犀大仙。北帝都天罡。橫  
天威烈神王。攝魔雷令大神。掌管雷  
霆都司。考召命捉大將軍。掌風雲雷  
雨電。糾察三界邪魔。天下都提轄。  
正一靈官馬天君。雷音不動天尊。

。 太上玉清無極總真文昌大洞仙經卷上

開經偈

寂寂至無宗。虛峙劫仞阿。  
豁落洞玄文。誰測此幽遐。  
一入大乘路。孰計年劫多。  
不生亦不滅。欲生因蓮華。  
超凌三界途。慈心解世羅。  
真人無上德。世世爲仙家。

序經章第一

道言。昔在龍漢劫初。元始天王。出大洞玉經於高上玉清宮。命吾演太玄次玄之道。吾自是勤誦不輟。元始天王。見吾求道心誠。遂以太玄之音。流響玉清。宏大帝德合一之道。示九統之法。傳九光之符。吾不敢自私。因公之世。人能誦之。登齋修行。自然萬神歡慶。萬靈護持。萬神感

格。萬仙翕臨。可以飛渡三災。四煞。  
。五鬼。六害。七傷。八難。九厄。  
十惡。立望登仙入聖。不待有所作爲。  
。而自無不爲也。苟不誦之。由是善  
念泯滅。惡念日增。何以登仙入聖乎。  
。有能宏施無窮功德。廣刻大洞經文。  
。普施天下。觀望以爲典型。則玉  
帝降鑒。而飛天親迎矣。然不獨可以  
榮本身。並且將歷代遠祖。歷劫種親。

。俱可以超昇而更生矣。世胄接仙。  
長爲貴人。功滿道備。骨肉同昇。乘  
龍駕雲。上朝玉清。

序事章第二。

元始天王曰。

真陽帝賓老。受事會玉皇。  
滅魔除穢尸。百司詣降宮。  
逸宅丹玄內。五炁結十方。  
七轉司命至。三回召仙公。

泰山主鬼者。急校三官中。  
十德初成基。同飛七覺元。

序理章第三。

元始天王曰。

清靈扇八極。鼓輪三華成。  
披此胞胎結。六祖受福生。  
辰宿皆衛道。常守帝一營。  
公子執五符。太乙居紫房。  
三合永不紊。拔昇玉帝宮。

少女郁墨子。預兆一炁中。  
拘制精血液。盈滿五臟充。  
十真登紫房。帝子化金仙。  
白玉飛符召。引昇龍臺天。  
序源章第四。

元始天王曰。

紫精毓華林。長眠太無外。  
玉房生寶雲。九扇胞胎內。  
帝賓奉玉符。三光回紫蓋。

蒼玉斌來生。衛此長夜會。  
五靈度符籍。九統合九光。  
太玄居玉清。紫陽發萬生。  
玄精育九靈。元父結胎仙。  
詳源章第五。  
高上洞元。元生九天。  
炁祖太无。衆風映玄。  
曾親絕散。四清睹閒。  
帝一上景。連衆攝烟。

長契一運。七世投閑。  
託靈屬命。華灼自然。  
流輝六曜。泯邈沉遷。  
凌梵御暉。西華彰安。  
併編帝簡。盡得解源。  
胎田邃路。世發玉蘭。  
靈光八輝。萬神俱生。  
入門逢第六。  
元始天王曰。

高上宴紫清。五老輔玉根。  
太素拂渺景。合符帝一尊。  
白帝皓育獎。回金太陽卿。  
度我死戶閉。拔出三途昇。  
十通由斯生。妙行由此興。  
洞明光景中。帝一真玄經。  
求度章第七

元始天王曰。

玉虛順玄歸。天晨金霄游。

朗朗生帝境。頃爾駕玉洲。  
左撫命神童。右弼命書符。  
明真煥九霄。三日映玄敷。  
千景併生矜。內有幽寥无。  
令私得長年。千劫始一周。  
黃籙保劫仞。披錦入神邱。  
太一務命根。公子召合符。  
十回度初心。得入大信根。  
守道章第八。

元始天王曰。

玉帝玄上籙。製命九天玄。  
七覺乘妙道。歡熙神風還。  
颺燦北停華。紫英列東班。  
琳和九霄外。玉符徵太玄。  
三素生泥丸。發耀金靈間。  
元君誦萬遍。一心守衛專。  
十善生玄中。度厄而自然。

太上玉清無極總真文昌大洞仙經卷上終

西池仙翁贊。  
天人真祕。大洞仙經。囊開雲錦現奇  
文。至道永昌明。萬化總真。無極會  
長存。

太上玉清無極總真文昌大洞仙經卷中

序經章第九。

道言爾時元始天王。眉放青毫。頂  
旋紫炁。萬華寶蓋。浮羅覆形。玉光  
金耀。絢絢光輝。由是吾見吾師如此  
。乃愈加精銳。是以功行大成矣。

保元章第十。

元始天王曰。

太真統九炁。洞景寄神通。

玉帝乘朱霄。綠霞煥金塘。  
上館雲珠內。仰接无極中。  
靈關太漠下。靄靄竟冲空。  
冥化混離坎。一玄寂火空。  
寂滅高洞上。玉宸保大洞。  
西拔六祖根。南解累劫凶。  
體矯萬精波。神王攝十方。  
大歸返胎元。三合乘天龍。  
明玄章第十一。

元始天王曰。

紫精太无中。三元上景衢。

秀朗大寶輝。昭昭扇帝敷。

伯史啓三素。帝臨登玉虛。

慶炁育五雲。司命神明初。

十華妙行山。制魔生六明。

通微首章第十二。

元始天王曰。

太玄天地通。浮雲不能入。

神宗理靈襟。龍山秀玉峯。  
金房鬱明霞。九天爲高宮。  
黃庭涉北元。元父在回明。  
朱晶啓明師。幽寥登上清。  
參透玄中妙。長保大洞經。  
通微二章第十三。  
元始天王曰。  
辰中五景炁。三秀登霄庭。  
滄臺飛羽輪。迎延道已成。

司命奉帝書。號曰玄度卿。  
保生太霞宮。列賓館玉清。  
命門合津延。守我身常甯。  
左携元數君。右携朱鬱靈。  
太玄度迷覺。遍施大洞文。  
紫華領胎仙。元命真中神。  
通微三章第十四。  
元始天王曰。  
金闕上景炁。十方暉紫烟。

三合太一尊。帝招太元神。  
七轉召嶽真。玉符告三官。  
拔籍三途下。受生商上辰。  
太帝八靈王。一化回慶雲。  
桃君守六合。謹精衛泥丸。  
太清八景觀。十德真文宣。  
保守神中神。元命生自然。  
度厄章第十五。

元始天王曰。

太素三華炁。晨登廣寗堂。  
玉京表玄籍。守命核道康。  
回風散萬魔。金符超廣鄉。  
撫御地下戶。保守長生王。  
轉入上仙門。八景齊洞陽。  
明洞章第十六。

元始天王曰。

皇上超无景。輪轉九曜停。  
回風混帝心。八景運常寗。

廣霞參神天。五帝散日精。  
液逸玄中膜。血凝五華平。  
體寶圓珠映。流曜瑩光形。  
號爲壽逸阜。亦曰澄源亭。  
俱滅三惡機。啓籍登大明。  
令我保仙真。仙綬披綠青。  
解禍冥途中。祁福超上靈。  
度世登玉卿。累祖返胎嬰。  
洞觀無礙空。元始通其明。

驪珠現真形。內外洞照清。

太上玉清無極總真文昌大洞仙經卷中終

。上相天師贊。

妙理精蘊。玄之爲明。

守真抱一。氣合玉清。

太上玉清無極總真文昌大洞仙經卷下

序經章第十七。

道言爾時元始天王。以大洞高上。混洞大无元。天寶地靈之炁。結一寶珠。命之曰蒼胡頡。曰吾以此寶。從道妙一。善貸生根。孕玄分元。誕始傳真。化生萬物。凝成一炁。大哉至寶。惟我獨存。今爲玉宸道君。重出

斯寶。諸天帝王。天真大聖。瞻望寶  
光。其光輝燦爛。分而敷之四方。遂  
凝聚而成彩雲。灼爛而成詞章。由是  
百千億萬。結成大洞仙經文光。因會  
諸天帝王。天真大聖。以清明識。以  
始通觀。以華灼通。齊聲宣詠。大洞  
雲章。音徹諸天。流響九地。稱名神  
鄉。一切神靈。不離本座。朗誦雲章  
。目覩之而灼爛。耳聞之而稱揚。其

不有懶惰之人。皆由百生障滅。萬劫塵埋。一旦光音所及。遂於一時頃刻間。脫離苦海。故雖目見耳聞。終成渺渺。於是太玄道父。前詣蕭臺。再拜稽首。求授寶珠所結大洞經文。俯賜凡間。庶以導化生衆。令其各遵經語。俾免萬災。宏誓願言。殷勤啓請。元辰大聖。玉宸道君。乃親付太玄道父。蒼胡頡寶珠。並告太玄道父曰

。此寶久祕於吾。幾欲重出。不期上  
智無幾。下愚最多。不知悔悟者十之  
九。知悔悟者百無一。吾故未輕出也  
。今幸有爾太玄求請。吾故又授之。  
惟願吾子鄭重此寶備述其源。不必問  
凡與聖。只一一化他爲善。是吾之願  
也夫。是吾之願也夫。

通明章第十八。

元始天王曰。

太陽化五辰。紫霄歸玄路。  
元君保容重。守胃塞死戶。  
金符煥北華。玉宸拔六度。  
帝真灌上昇。斷息三途苦。  
洞明清淨光。帝心大神通。  
命宿出自然。根本原由中。  
未來及他心。一切無礙融。  
洞源與洞明。萬道由通生。  
還元章第十九。

元始天王曰。

養精上華炁。太微玄景童。

神化玉室內。飛羽逸紫空。

日爲三才貴。奉符照地中。

開關把金節。閉戶扣瓊鍾。

滅魔三艷野。招靈上清宮。

冥冥窮陰關。聚精六合中。

及老變皓形。髮白返童容。

洞源清淨光。操持有其功。

咽液生萬神。神水華池融。  
湧泉灌而潤。往來無有窮。  
道成周而始。天根常茂豐。  
化幽首章第二十。

元始天王曰。

玉宸九天司。太上大道君。  
常保向化人。九回鏡中清。  
解帶玉映室。乘景入四明。  
提撕日中主。勤宣月中神。

太一召天魔。帝君拔萬精。  
拔濯死籍炁。越度仙黃庭。  
帝立三關上。八風舞神兵。  
洞微無窒礙。化及衆幽靈。  
化幽二章第二十一。

元始天皇曰。

太清浮絕空。三天保神符。  
日中開五暉。大地恩無窮。  
捧籍登大明。受籙金華樓。

五臟植玉根。炁通生清明。  
定和妙明覺。玄息自長生。

化幽三章第二十二。

元始天王曰。

太極元景王。拔出一切魂。

九玄解重劫。六合得上昇。

徘徊秀華下。俯仰化五靈。

飛仙昇玉堂。形神回孩嬰。

洞虛清和淨。華通引玄明。

化幽四章第二十三。

元始天王曰。

无極真仙機。洞中保元炁。  
正位左右仙。長生虛靈世。  
洞有五符籍。玉宸得合一。  
魂生太无中。魄受吾道密。  
從茲化幽无。七炁永無滯。  
靜真明至理。至老長不易。

結經章第二十四。

玉宸道君。初定通息。太和一千。中  
觀變真。離相清塵。元合五千。坐在  
立亡。大定全真。妙行通靈。初曰通  
炁。次曰通神。終曰通靈。萬通成真  
。道備登宸。超脫飛昇。過度三界。  
往來三清。正品大洞。天一帝尊。六  
度萬通。功圓行成。千和萬合。自然  
成真。

太上玉沛清無極總真文昌大洞仙經卷

下終。

孚佑帝君贊。

三品一理。萬化歸真。

人仙幽迥。一道同昇。

完經讚。

大洞妙典。救劫經章。七篇五品廣

宣揚。善惡自昭彰。警勵行藏。在

在度無量。警勵行藏。在在度無量

大聖更生永命大天尊三稱。

回向咒

回別五雲輿。騰駕九長空。完。

玄契曰。元始天王。爲玉宸道君演  
玄批元。極始通終。自天及人。俾獲  
成仙。真要文也。學士誦之。悟入登  
仙。鬼神誦之。悟入登真。凡夫誦之  
。悟入長生。幽魂誦之。超脫更生。  
死厄聞之。度生天堂。枯朽老病。聞  
之延津。嬰孺孩童。聞之聰明。上士  
得之。飛騰玉清。位爲聖尊。與道合  
真。

大洞經總義。

理有太極。是生兩儀。渾渾淪淪。本  
无涯際。語大莫外。語小莫遺。无終  
无始。周流不息。邈之先天。洞洞屬  
屬。陰中之陽。靜中之寂。火從水生  
。妙合而出。清濁高下。兩天乃闢。  
七日來復。三陽具備。理炁同流。誰  
能測識。惟人獨靈。乃窺其密。直探  
未有。混沌隱祕。二五真精。野馬奔

軼。氤氳化醇。男女成質。惟天之命。  
。於斯全畀。人生而靜。渾然畢具。  
虛而能涵。靈而不滯。以具衆理。以  
應萬事。始爲氣拘。繼爲欲蔽。內外  
交引。莫可紀極。漸牯真心。人道乃  
失。不遠而復。惟人自立。旦氣須清  
。妄心宜寂。絕其憧擾。中乃甯謐。  
勿任其偏。勿徇其僻。發思中節。存  
養純一。心曲難知。返照急。時時喚

醒。莫教放逸。念慮潛滋。檢察細密。  
。一私不存。衆善咸集。操持有功。  
神化玉室。聚精六合。天君泰適。炁  
與神交。神與道契。物感紛乘。真性  
不失。定則生明。明則生智。洞源洞  
微。參透妙諦。回風混合。從心踰。  
長契一運。至老不易。先天後天。總  
歸太極。

持誦大洞仙經應驗。經中序經三章

。經末玄契一章。言已詳悉。謙又  
嘗聞諸岷岷山人曰。人家以黃紙硃  
書玉清文昌大洞仙經八字。用大洞  
驅瘟寶印。或隨使用篆刻圖書印之  
。懸之門首。可以辟瘟。又嘗見吾  
閩陳星垣先生。刊大洞經應驗記云  
。星垣官蘇州。有紳士執是經以告  
予曰。佩此經於家堂。可免瘟疫。  
存此經於行篋。并無翻車覆舟之虞。

。觀此則知大洞仙經之功用。是不  
止於求道。保元。化幽。度厄。已  
也。謙素服帝訓。於是經亦常持  
誦。茲因家兄敬書是帙。將壽梨棗  
。謙承命校對。謹將所見聞者。附  
誌數語於此。以公諸同志焉。附

養恬山人謹識。

斗姥心咒。  
附按袁頤道先生蓮花筏有  
蓋即。

此也。南無。

曩謨。囉。但。曩多囉夜野。

。你。也。他。阿。迦。摩。臬。洗音。

迦。摩。臬。阿。度。摩。臬。支。鉢。囉。摩。臬。

。摩訶支鉢囉摩臬。阿。但。馱。馱。徒音。

曩。摩。臬。摩。哩。支。野。摩。臬。曩。謨。

。都。帝。囉。乞。支。野。摩。臬。囉。乞。

。呬。輪。娑。縛。薩。但。縛。難。左。聲。平。

娑縛怛囉。

娑縛娑喻。

鉢捺

辣音

囉吠

費音

毗

皮音

藥娑縛賀。

南無三

漫多。

沒馱喃。

唵。

嗎

麻音

哩

利音

嗟

即音

𠵼

娑訶。

呂祖參同經瞻禮星斗章曰。是大陀羅尼咒。

出自斗姥心印。能摧一切邪道。能除一切重

病。能驅一切惡獸。能消一切厄難。能解一

切毒蟲。能離一切惡人。其功德力。說不能

盡。爾等當至心誦持。不可間斷。

中華民國五十七年歲次戊申仲春三月  
台灣了閒分壇恭印